

爾時

尋聲救苦天尊與諸侍從巡遊十方世界化度衆生出離苦海令歸正道不入邪宗觀見西方於內一國王號淨梵此國人民多生淫殺不造善功多沈地獄多失人身念彼衆生遂即化身下降其國王夜夢神報來曰天真自東而至何不迎之王心不寐坐而待旦詔衆大臣后妃天親及諸市民遠離本所迎接天尊至於城西有一大園樓閣嚴整花

太繁盛是時

天尊在七寶殿內金龍座上天童侍衛國王大臣后妃天親及諸市民座下圍繞觀聽演說正一妙法俄然瑞氣盈園天花交散大衆驚異喜悅難言時有皇后及諸貴妃燒香拜禮跪而告曰弊居小國愚魯之邦未嘗得聞如斯高玄妙道今日遇值深為幸矣有少短意欲訴道前伏願洪慈特賜允許天尊曰汝有何言盡心而說皇后告曰今王年老子嗣未立先有所懷數月之中遂致損

落其或月滿所得男女或一歲二歲或三歲或五歲之間即便死亡未知前生今世何罪致得如是若蒙哀愍則仰受訣言

天尊曰是汝前生之中懷孕不慎殺落其胎兒女心內憎嫌故得今身如此之報恐汝不信吾今攝此冤竟汝當親問天尊指處皇后

視之見一夜叉面如紫藍眼如惟星指皇后而言前生之時我受陰注投你為母你身年

幼全無惜護隨性作為因此不慎殺落我身今欲還報緣汝前世生居中國敬奉天地日

月星辰勤侍翁婆孝順父母欽崇三寶至重善人塑像造經略無慳惜蓋殿修壇竭力施

為憫憐困苦濟惠貧寒積此善功今生證為小國之后若非此福我即殺你料應多日皇

后聞言心神懼怕戰戰兢兢拜跪道前我有先身曾作如是今日雖知悔之何及伏望

天尊略示方便捨自己之財盡為布施願求解釋

天尊曰善哉善哉汝雖前生建大功德廣作福田即知不會懺悔身中之冤結吾昔於

正一天尊受三生解冤妙經汝當隨吾精心誦之冤業自消夫人稟天地而生攝陰陽而成三月之外始分男女可保而不可傷可養而不可害命與大人一體無異誤損有落便成冤債一日造冤三世報還豈不怖哉迷昧

衆生倚恃年壯懷孕之時全無將護恣意而行登高跳下負重急走或跨騎勞形或陰陽

不慎或撞或隱或搦或按或撲或揉或服藥而損或針刺而傷或食毒魚惡肉或喫硬物

冷菜如斯等事姪孕多傷或是自作或教他殺害之因為能盡說前生所作今身還報致

使懷孕多病疼痛纏綿飲食減少行立艱難皮膚腫破腰似錐鑽巴明昨夜一日如年受

此痛苦嗟至月足臨產多般或連日不分或橫逆不順親姻恐懼眷屬憂惶當此之時冤

家來害苦痛非常或母活于死或子活母死或子母俱亡皆為橫天之冤若得託生依前

再受若未託生纏害親姻若遇此經志心持念一切冤業盡總消除即說呪曰

晨昏運度 耀明古今 萬類受稟

結化成形 冤業俱除 三世相侵
正一之氣 解免冤鬼 聞之即散
聽之離分 天丁甲卒 扶護無傾
速生速免 各得安寧 元皇符命
時刻不停 急急如 律令

是時念經七徧夜又座前拜謝
天尊我今承斯功德徑往中土託生富貴之
家拜謝而去眾人聞之皆大歡喜
天尊曰此經非獨解一人之冤結汝等各發
誠心誦經百徧一國之人應有冤結悉皆解
脫于會下言同聲誦之至於百徧見陰雲
四布黑霧之中瑞氣垂空諸多類拜而言我
等特蒙

天慈降賜經法一國冤結已生未生罪無輕
重咸皆解脫倏忽之間晝夜霧散天氣朗清
人民歡慶讚謝天恩眾等告白然賴道力普
得濟度雖無即日之寬慮有他時所札作何
預修功德永離此苦
天尊曰吾今說此三生解冤妙經若有善男
子善女人每日燒香誦經三徧己身冤結盡

皆消滅如精心抄一本與人合家眷屬同需
福惠若復有人胎氣怯弱或數落不安轉體
此經即得安穩必得智慧男女如睡夢中間
常見亡過兒女此是冤業又待重來精心每
日旦暮燒香拜禮此經冤鬼自退普無驚怖
若復有人臨產多難即於難月之前請正一
道士法師對

三清聖像焚香誦經速感善神護佑誕育順
理則無冤橫之灾子母安全各保天年之壽
如行住坐卧精誠持念後世為人富貴聰明
形容端正子孫榮旺獲福無量歎斯因緣而
作偈曰

衆生多結冤 冤深難解結
一日結成冤 三世報不歇
我今傳妙經 解除諸冤業
聞誦志心聽 冤家自消滅


是時
天尊說經既畢諸仙大聖來迎
天尊巡遊他方濟拔羣品再為國王后妃曰
自後依奉正道即生孝慈之男吾今付汝靈

符三道朱書吞之一符保身一符辟冤鬼一
符復速生汝等可以教世人遵敬奉行

保身符



辟冤符



催產符



太上三生解冤妙經